

## **KEM KEPIMPINAN MAHASISWA DINAMIS (PROMIS) 4.0**

CHIN-CHIN JAN 6 – Kem Kepimpinan Mahasiswa Dinamis (PROMIS) 4.0 bertujuan membentuk jati diri pelajar-pelajar yang telah dilantik sebagai Majlis Perwakilan Pelajar sesi 2017/2018. Pelajar – pelajar ini telah dipilih melalui satu pilihanraya kampus yang dilangsungkan pada 20 Disember 2017, bertempat di Dewan Platinum, Politeknik Merlimau. Aktiviti ini juga bertujuan menerapkan nilai-nilai yang perlu ada pada setiap pemimpin yang cemerlang kepada barisan Majlis Perwakilan Pelajar yang telah dibentuk. Di samping itu, ia juga dapat mengeratkan ukhwah di antara pemimpin dan dapat membentuk satu organisasi yang kukuh dan mantap melalui aktiviti-aktiviti yang menguji minda serta mencabar yang telah didedahkan kepada semua peserta dan memerlukan kerjasama yang kuat sesama mereka.



## **BARISAN KEPIMPINAN MAHASISWA BAHARU**

MERLIMAU JAN 18 – Seramai 40 orang pelajar telah dilantik sebagai ahli Majlis Perwakilan Pelajar dan juga seramai 15 orang dari kalangan pensyarah telah dilantik sebagai Penasihat Biro Majlis Perwakilan Pelajar bagi tahun 2017/2018. Majlis ini telah dilansungkan di Bilik Pentadbiran, PMM dan dirasmikan oleh YBHG Puan Hjh Rashidah Binti Mustapa, Pengarah Politeknik Merlimau, Melaka.



## WAJAH BAHARU PROTEGE MAJLIS PERWAKILAN PELAJAR

MERLIMAU FEB 7 – Protege merupakan sebuah organisasi yang dibentuk oleh Majlis Perwakilan Pelajar sebagai pelapis kepada ahli Majlis Perwakilan Pelajar melalui sesi temuduga yang dikendalikan sendiri oleh MPP. Temuduga ini dikendalikan sendiri oleh Majlis Perwakilan Pelajar (MPP). Melalui proses temuduga ini telah menonjolkan serta menampilkan bakat – bakat yang terpendam dalam kalangan pelajar Politeknik Merlimau khususnya berkebolehan untuk memimpin. Hampir 40 pelajar telah diserap menjadi barisan Protégé Majlis Perwakilan Pelajar, seterusnya mereka ini didedahkan bagaimana untuk bekerja dalam suatu organisasi. Malah didedahkan juga, untuk mengendalikan sesuatu program di sesebuah institusi yang berimpak tinggi.



## **SUARA HATI PELAJAR DIDENGARI**

MERLIMAU 21 MAC – Program Suara Hati Pelajar adalah program tradisi yang wajib dijalankan setiap semester atau penggal sebagai satu medium kepada seluruh pelajar Politeknik Merlimau,Melaka (PMM) untuk menyalurkan segala aduan atau cadangan kepada pihak yang bertanggungjawab dengan kaedah yang betul. Ini adalah satu persediaan kepada pengurusan Politeknik Merlimau,Melaka (PMM) sebagai maklumbalas daripada pelajar untuk mengetahui dan menyedari adakah sistem pengurusan dan kemudahan yang telah disediakan adalah masih cukup dan sesuai kepada pelajar PMM untuk jangka masa yang lama.

## **MPP MENGORAK LANGKAH MENGURANGKAN KADAR DISIPLIN**

MERLIMAU 15 Mac - Kempen Penjualan Pelekat Kenderaan ini adalah salah satu inisiatif Majlis Perwakilan Pelajar bagi memudahkan pelajar dalam urusan permohonan pelekat kenderaan. Majlis Perwakilan Pelajar juga ingin mengurangkan kadar kesalahan disiplin dan tatatertib pelajar khususnya dari aspek penggunaan kenderaan bermotor di dalam kampus. Jadi dengan adanya program seperti ini, jumlah statistik penggunaan kenderaan bermotor di dalam yang tidak mempunyai pelekat kenderaan dapat dikurangkan. Selain itu, kempen ini juga dapat mengeratkan lagi pelajar bersama barisan Majlis Perwakilan Pelajar. Melalui kempen ini, sambutan daripada kalangan pelajar sangat memberangsangkan,dalam masa dua(2) hari kempen ini dijalankan. Program seperti akan diteruskan lagi pada masa akan datang.



## GOLONGAN ASNAF TIDAK TERBIAR

MERLIMAU 16 Mac - Program ini merupakan salah satu insiatif pihak Jabatan Hal Ehwal dan Pembangunan Pelajar bagi membantu pelajar yang tidak berkemampuan. Seramai 110 pelajar daripada 6 jabatan telah terpilih sebagai penerima zakat dan kupon makanan. Selain itu, peruntukan kewangan diberikan kepada setiap jabatan bagi menyediakan sarapan percuma kepada pelajar pada minggu peperiksaan. Penyerahan zakat, kupon makanan dan *mock cheque* disempurnakan sendiri oleh YBHG Puan Hjh Rashidah Binti Mustapa, Pengarah Politeknik Merlimau, Melaka.

## EKO BAKAU NEGERAKU

MERLIMAU 4 MAC – 40 orang pelajar Politeknik Merlimau menyertai aktiviti penanaman pokok Bakau yang bertempat di Jeti Nelayan Kuala Merlimau. Program ini merupakan anjuran IM4U dengan kerjasama pihak Politeknik Merlimau bersama beberapa agensi lain. Program ini diberi nama eko-Bakau Negaraku. Program ini bertujuan untuk menanam semula pokok - pokok bakau yang kian pupus akibat daripada permintaan yang tinggi dipasaran bagi tujuan pembangunan dan sebagainya. Program yang dirasmikan sendiri oleh YB Datuk Roslan Bin Datuk Ahmad yang merupakan ADUN Merlimau bertujuan memberi kesedaran apada masyarakat tentang kepentingan pokok paya bakau dalam ekosistem di negara kita. Program ini juga disertai oleh beberapa selebriti tempatan seperti Johan As'ari da Ella (ratu rock Malaysia) bagi memeriahkan lagi program ini.



## **MPP MEMBAWA SUARA HATI PELAJAR**

LINGGI 17 APRIL – Bertempat di Umang-Umang Chalet, telah berlangsungnya Program Dialog Dua Hala Diantara Barisan Majlis Perwakilan Pelajar Dan Pengarah. Program ini merupakan kesinambungan daripada Program Suara Hati Pelajar yang telah berlansung pada 19 hingga 21 Mac yang lalu. Melalui program ini, Majlis Perwakilan Pelajar dapat menyampaikan segala aduan dan cadangan untuk penambahbaikan kepada Politeknik yang disalurkan daripada pelajar-pelajar Politeknik Merlimau,Melaka secara langsung kepada YBHG Puan HJH Rashidah Binti Mustapa, Pengarah Politeknik Merlimau Melaka. Pada masa yang sama, Majlis Penutup Dan Penghargaan Majlis Perwakilan Pelajar Dan Pensihat Biro Majlis Perwakilan Pelajar dilangsungkan dan dirasmikan oleh YBHG Puan Pengarah.